

Ze barri?

ESKORIATZA ETA LEINTZ GATZAGA / Egubakoitza / 2001eko abenduaren 21a / 61. zenbakia

KOORDINATZAILEA: Aintzane Gardoki • Durana, 11 20550 ARETXABALETAKO • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com

Arabako Ohorezko Ligatik Euskal Ligara pausoa egitea helburu

AINTZANE GARDOKI

Orain dela hiru urte hasi ziren Arabako Ohorezko Ligan jokatzeko herriko mutilak. Aurreko zapatuan bigarren postuan dagoen Alegriari 4 eta 2 irabazi ondoren, lehen postuan jarraitu eta Euskal Ligara pausoa egitea dute helburu.

Zapatu arratsaldean partidu gogorra zeukaten lehen taldeko futbolariak. Saillkapeneko 2. postuan dagoen Alegriaren kontra jokatu zuten, eta 4 eta 2 irabazi zuten

EUSKAL LIGA HELBURU

Guztira, 19tik 24 urte bitarteko 11 gazte osatzen dute taldea. Gehienak eskoriatzarrak badira, badaude arrasatear bat eta aretxabaletar bat ere. Eskoriatzako taldea da, gainera, Euskal Herriko beste talde guztien artean gazteena. "Beste taldeekin alderatuz oso gaztea da gure taldea, eta duela hiru urte Euskal Ligatik jaitsi ginenean, adinak eta esperientzia ezak eragina izan zuten", azaltzen du Manolo Muñoz Eskoriatza



Alegriari lau eta bi irabazi zioten aurreko zapatuan.

KEko presidentek. Inaki Corralen ardurapean, astean bitan entrenatzen dira, "eta serio, gainera, horren lekukorik argiena

ditugun emaitzetan ikusten baita. Orain gertu gaude, lehen ez bezala, Euskal Ligan aritzeko. Hori dugu helburu", dio Muñoz

zek. 29an eta 30ean Euskadiko Futbol Txapelketa jokatu da, eta bi eskoriatzarrek hartuko dute parte Arabako selekzioarekin.

LABUR

Sorospen ikastaroa bukatu zen aurreko asteburuan

Joan den urrian hasi zuten 14 gazte sorospen ikastaroa, eta ia ehun ordu egin ondoren, zapatuan egin zituzten ikastaroa gainditzeko azkeneko frogak.

Arduradunen esanetan, froga gogorak gainditu behar izan dituzte gazteok, eta laster jakingo dute zeintzuk gainditu dituzten frogak, eta zeintzuk izango diren, ondorioz, aurrerantzean sorosleak.

Jostailu erakusketa arrakastatsua

Jostailu eta euskarazko materiala izan zen erakusgai joan den egunetik domekara bitartean Kultur Etxean. Jende ugari, ume eta nagusi, hurreratu zen. Antolatzaileek, oro har, balorazio positiboa egin badute ere, azaldu dute ludoteka kutsua ere izan duela erakusketak, eta datorren urterako hori hobetu beharra azpimarratu dute. Arrakastarik handiena CDeK izan dute.



Jaki gozoak prestatzeko ikastaroa

Amuska-k antolatuta Eskoriatzako eta Aretxabalekako 20 emakume batu dira astean, Maria Jesus Miguelen eskutik.

Ohitura bihurtu da dagoeneko Gabon bezperatan sukaldaritza ikastaroa egitea. Astelehenean hasi eta hiru egunez batu dira Olazarren sukaldarian. Barazki frijituak, espagetiak txipiroiekin edo kafezko budina zelan egin ikasi ahal izan dute, besteak beste. Jakiak prestatu eta gero, bapozatu dute egindakoak!

DEMAGOGOAK

Konstituzioaz buruko minak

Konstituzioan, jai, bai!

Jai? Ez!

Konstituzioaren eguneko jai delako eta, gureko nuke nik ere gaiaz hitz bi goienkariaritzea, albokoaren inspirazioari itzala egiteko asmoz. Izan ere, niri neuri, behintzat, elkarren kontrakoak iruditzen zaizkit "jai egitea" eta "inposatu" berbak, nabarmenagoa kontzeptu-frikzioa hemen hitz biak elkarren ondoan daudelako.

Inoiz behartu naute lantokian jai hartzera, egia da. Egia da, baita, lan-egutegien egitekoa sarri baldintzapean iristean, zailagoa dela libreki erabakitzea.

Zentzu horretan, agian, hainbat langilek jai hartzera behartuta ikus dezake bere burua egun jakin batzuetan, eta ez berak gustukoaren lukeenetan; jai egite inposatu batera zigorturik dagokeela, alegia. Baina, ez dut uste langileria bere eskubideetan zapalduta sentitu denik Espainiako Gobernua jai hau inposatu diolako, besteak beste,

inposizioa jai hartzearena izan delako, ez ospatzearena, eta sekulako zubi dotorea atera zaigulako.

Are gehiago, gurago nuke hartzen ditugunez gain, beste horrenbeste ere inposatuko balizkidade, berdin zait gobernua edo susumkordak, hilaren bukaerakoan murrizketarik sumatuko ez banu, txintik atera barik guztiak hartuko nituzke-eta.

"Azken finean jai egunetakoa ez baita ospatze kontua, disfrutatze kontua baizik"

Azken finean, jai egunetakoa ez baita ospatze kontua, disfrutatze kontua baizik. Baina, ez pentsa aitzakiaren disfrutatzeaz nabilerik, ez -tarteke darabilgun Konstituzioaren aitzakia,

esaterako-, ezpada lan-etenarenaz.

Eta zenbat eta lan-eten, jai egun eta antzerako abar gehiago, orduan eta poziago, bai ni, baita euskal zein mundial langileria ere. Horren dudarik bat ere ez eduki.

JONE

Berriro ere sartu digute! Hala-por-ahí denok jai hartzera. Egiteko hoberik ez balego bezala. Eta gu txorimaloak letxe, amen esan eta pozik asko konstituzio santua ospatzera. Autoa tramankuluz bete eta pista. Pirinioetara, Landetara, Errioxara... Ez al dugu gogoratzen duela hainbat urte jo ta ke aritu ginela batzuk konstituzioaren kontra zuzen zuzenean eta besteok paso egiten, bozketa-ri berari ere uko eginez?. Nolatan, bada, egiten dugu alde den-denok koadrila alegeran egun hori ospatzera? Mixterio.

Zorionez ez gara denok bizimodu erraz eta zentzubakoen maitale. Egon badaude beraien portaera adoretzu, tinko, ausart eta koherentearekin egutegiak trufa egiten digun egunetan pertsona oso-osoak direla erakusten digutenak. Benetako demokrazian oinarritutako egutegiaren alde daudenak. Gure egun

seinalatuak zeintzuk diren erakutsiko digutenak.

Izan ere, herrialde-herri-pays-country laiko baten bizi bagara, ze integrisimo klasek bultzatzen gaitu Epifania, San Jose, Aste Santua (aste oso bat!), San Juan, San Pedro, San Millan, millaizeneko Amabirjina, diren eta ez diren Santuoren egunak jai eguntzat jotzera?

"Zorionez ez gara denok bizimodu erreza eta zentzubakoen maitale"

Eta Gabonak? Eta ezin ahaztu domeka bera Jaunaren eguna dela, eta zapatua juduen sabbatetik datorrela. Badugu bai lana egutegi demokratikoa osatzen.

Ez dakidana zera da, jai egunak zentzuk izan beharko diren botazio bidez

erabaki behar dugun edo betikoek por-mis-cojones martxan jarriko dituzten. Dena den, eta egia esateko, jai egun kopurua mantendu edo ugaltu egiten badute, bizimodu erraz eta zentzubakoen maitaleok ere alde izango gaituzte.

JOJO

TELEFONO JAKINGARRIAK

ESKORIATZA

Udaletxea	943 71 44 07
Udal Bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kiroletxea	943 71 53 28
Liburutegia	943 71 31 35
Luis Eceiza	943 71 53 56
Jose Arana-Almen Ikastol.	943 71 44 86
Almen	943 71 49 07
Museo Eskola	943 71 54 53
Axtroki?	943 71 40 77
Luis Eceiza	943 71 41 57
Osakidetzak	943 71 44 52
Telesko	943 71 49 17
Taxia	943 71 40 59

BESTELAKOAK

Eskualde Ospital. (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
Pesa (Arrasate)	902 10 12 10
Larrialdiak (Arrasate)	943 77 10 43
SOS Deiak	112

OHARRAK

IPUIN KONTAKETA
Hilaren 21ean, helduei zuzendutako ipuinak kontatuko ditu Koldo Amestoyk Jose Arana ikastolan, gaueko 22:00etan.

GABONETAKO KONTZERTUA
Abenduaren 23an, meza ostean Musika Eskolako Bandak Gabonetako Kontzertua eskainiko du San Pedro parrokian.

OLENTZERO ETA PARKEA
Hilaren 24an, Gabon kantu, trikiti eta gaztaina erre janarekin batera Olentzero izango da herrian. 26tik 29ra, kiroldegian, Gabonetako Parkea egongo da.

AXTROKIRENAGENDA

BAZKIDE KANPAINAREN ZOZKETA
Nekazal etxe baten asteburua zozketatuko du bere bazkideen artean Axtrokik 24an, iluntzean, herriko plazan. Bazkide izan nahi ezkerro, garaiz zabiltzate.



Sei artista txikiren lanak

Ane Benito, Leire Zurutuza, Anaitz Álvarez, Maitte Santamaria, Maialen Lete eta Miriam Isasmendi izan dira aurtengo Gabonak marrazki lehiaketako irabazleak.

Kultura etxeak antolatutako lehiaketan Eskoriatzan eta Gatzagan bizi diren sei eta hamabi urte bitarteko ume guztiak hartu ahal izan dute parte, eta asko izan dira parte hartzaileak. Lan guztiak kiroldegian izango dira erakusgai abenduaren 26, 27, 28 eta 29an.



- Sukaldeko Bateriak
- Lapiko Lasterrak
- Zartakin eta Paeilaontzi itsasgaitzak

Aingeru Ibiltoki 3
Tel.: 943 71 31 29/ Eskoriatza 20540

TOKI ALAI TABERNA

Karajiloetan espezializatua

Tel.: 943 71 47 29
ESKORIATZA

AZKOAGA ESTANKOA

Zure Zerbitzura



- Pintura orokorrean
- Fatxaden pintatzea
- Iztukuak, eta abar

Olaeta 2, 1-ek.
ESKORIATZA
Faxa: 943 77 07 92.
Sakelakoa: 605 772 769

Jaiotza eginez agur egin zaie aurtengo Gabonei

AINTZANE GARDOKI

Joan den zapatuan, herritar batzuk jaiotza egiten ibili ziren Markole plazan. Giro hotza izan bazen ere, txapelak, tapaukak eta txamarrak jantzita, eta Olentzeroren presentziarekin, jaiotza osatu zuten. Figurak guraso eta umeen arteko lankidetzak egin ditu posible.

GURELeko kideak, umeak eta gurasoak zapatu eguerdian hasi ziren jaiotza egiten. Guraso batzuk, astean barrena, figuren aurpegiak egin zituzten *maché* paperarekin, eta horren ondoren, herriko umeek gurasoek egindakoa margotu zuten ludotekan. Astoa, behia, eta familia oso-osoa daude pinu-enbor eta pinu-abarrekin egindako aterpean. Haien ondoan, guztia zaintzen, Olentzero.

GABONETAN EKINTZA UGARI

Jaiotza eginez egin nahi izan zaio Gabonei ongietorria. Olentzeroak ere nonahi ikus daitezke aurtun; izan ere, bat baino gehiago ari dira zakua opariz beteta dutela leihoetatik etxeetara sartu guran. Eta jaiotza eta Olentzero-


rekin, GURELek umeendako Gabonetako egitarau sendoa antolatu du. Olentzero egunari trikiti eta pandero soinuekin emango zaio hasiera. Egun osoan Gatzagako baserri eta kaleetan ibiliko dira umeak kantari. Biharamunean, Eskoriatzako Gabonetako parkera egingo dute irteera eta 27an, Aretxabaletako parkera.

28an, arratsaldean diapositibak izango dituzte ludotekan, eta egubakoitzean, antzerkia izango dute ikusgai. Urte berria hasteko, Gasteizko izotz jauregira egun baten eta zinemara beste baten joango dira. Ipuin kontaketaekin eta Aretxabaletan Errege eguneko kabalgetarekin bukatuko da aurtengo egitaraua. Ondo pasatu!



Hotz egin bazuen ere, gogotik ibili ziren lanean gatzagarrak.


AINTZANE GARDOKI



Giro hotzari txokolate beroaz aurre

Hotzari aurre egiteko asmoz, herriko pilotariak sua egin eta txokolate beroa banatu zuten ikusleen artean. "Hotz honekin, bestela, ez da inor animatuko frontoian egoten, eta hau berotu beharra dago!", esan ziguten eskuak prestatzen ari zirela pilotariak. Eta jende ugari batu zen; izan ere, oso partidu gogorak zeuden jokoan. Emaitzak ondokoak izan ziren: Unai-Beloki 22 Jon-Aritz 18; Iñusti-Patas 22, Matxain-Asier 20; Goio-Oñate 22, Salva-Joxerra 3; Artabilla-Jon 22, Mikel-Txarrantxa 12; Iñaki-Agarre 22, Ina-Javier 15.

Kalitateak mugarik ez



ARGI-PLASTIK

Leihoen fabrikazioa, P.V.C, aluminioa eta poliuretanoa
Zigorrola, 1 8. Pabilioia
Tel.: 943 77 11 30
ARRASATE




Okindegia · Gozotegia

Aretxabaleta

Loramendi, 6 • 943 77 17 19
 Basabe, 2 • 943 77 00 81
 Aretxabaleta
 Bertako okina

**2002 urte gozo-gozoa
 opa dizuegu!**





Elur
usainean
arnasberritu



 **OKENDO**
KIROLAK

Gabon zoriontsuak izan!

Maalako errabala 13-behea • **ARRASATE** • 943 79 92 76